

Bibliothèque numérique



Baron, Hyacinthe-Théodore - candidat  
/ Douté, Amand - président. - An Lac  
Convalescentibus ?

1710.

*Paris : Typis viduae Francisci  
Muguet, Regis & Facult.  
Medicinae Typographi*  
Cote : ms 2325 n°47



## Q U A E S T I O M E D I C A,

*Cardinalitiis disputationibus manè discutienda in Scholis Medicorum, die Jovis vigesimā Martii 1710.*

M. A M A N D O D O U T E', Doctore Medico,  
Præside.

*An Lac Convalescentibus?*

### I.

**P**LEN A utendi libertate alimenti injuriæ maximè obnoxius homo, unus præ cæteris viventibus gulæ peccatis vitam causarius trahit: factō pro arbitratu eorum periculo, quæ Naturæ prima, normam deinceps ipse sibi posuit scripsitque salubriūs vivendi. Hinc Diætæ lex integrè sanis aut causariis non una, nec par ægris, vel è morbo naufragis ac Convalescentibus, quia, nec una, neque ulli usquam adeò sincera ac solida sanitas obtigit, nec morbus unus, iidemve hinc & indè cuique patent careeres in Orcum vel Lucem; quanquam ut vitæ, ità victus communia & prima è sanguine, in sanguine, à sanguine Elementa, quibus stant simul solidō nexu artis & Naturæ labor, tutela sanitatis, morbi semina, maleficia, vindiciæ. Hinc omnibus pro voto & scopo esse debuit querenda in alimento prior potiorque Medicina, nemini licet tam æqua ac beata, ut nunquam læserit, vel in eâ peccarit Artifex, errore semper de cætero Convalescentibus quam sanis graviore, praesentiore.

### II.

**M**ULTO quippe major certiorque noxa hos illosque manet ex inconsiderato alimenti usu, quam syderum positu inimiciorum, Ambientisve inquinamentis, cibo etiam quam potu: His tamquam illis ut minora, sic rariora, breviora, innocentiora ventris peccata; severiori idcirco diæteticæ artis legi in iis plerumque dissimulanda, illis permittenda nunquam; sed tūm quoque quām sævâ crudâque consuetudinis tyrannide Naturæ jura occupant opprimuntque, si quā superest ratione coercenda, castiganda, quæ Convalescentum causariorumque famelica natio, longâ macie ac tabitudine efferta, dudumque feriati ventris acta intemperiis ultrò



2

volens ac sciens s<sup>e</sup>pius admittit, ad Chænicem justumque demensum, malè sanam, pejus securam ingluviem nescia circumscribere. Sive enim quidquid erat virium primique roboris acuti morbi vis ultima c<sup>i</sup>s paucos dies decoxerit, aut misera diuturnæ valetudinis tandem affixerit patientia, dum alii prætiosis roborantibus delusos enecant, incenduntque jejuniisioris corpusculi annonam; hanc tu ipse contrà naturæ propitius jubeas convalescere, modò ita laxes, ut simul comprimas, scitè doctus inter eas rerum ægri angustias, non mole aut substantiâ, sed facultate alimentum æstimandum, operi non oneri mox futurum.

### I I I.

**Q**UALE porrò illud esse oporteat, si requiris? Quod omnibus suo merito acceptam alibilis succi gratiam sic repræsentet, ut nihil indè naturæ, quamvis ægrius tūm coquenti, sit factura negotii, aut morarum sua singulis partibus Diaria diribenti: ab his modò, quod salubre audiat, obtinuit alimentum; tale quidem ubi nec copiâ, quod exhaustum est, superat, neque redimendâ aliâs inopâ fraudat ac depauperat genium partium, non glutino sequacis succi facile concrescens, nil operosi sustineat, de facili eliquetur in chylum tenerâ mollitudine friabilis substantiæ, vacet excrementis: hinc maturioris coctionis integritas, ἀράδοτος commoditas expeditior, sincerior purgatorque succus, nutricatus felicior; indè laudatissimi sanguinis salit vena, qui temperie ut consistentiâ medius, sanis, ægris, fortis ambiguæ causariis accommodatissimus. Quæ dos bonitatis integra & prima in lacte desideratur. Hoc lentore pingui, terrenoque crassamento, quibus maximè abundat, geminum istud & præcipuum alibilis substantiæ vitium liquidò probat non posuisse: etiam proprius admotum vitæ laribus, medioque hujus foco conditum, viden? Ut benè sanis Puerperis, Nutricibus distenta lacte ubera in Tophos protinus durantur, fidelique corruptionis symbolo abeunt in suppuratum nullo privilegio loci, nullâ proprii caloris tutelâ. Ecce de Lactante calens, lactentis suetu calido ventre receptum, ore statim redditum lac caseus prodit. Spongiosa illa lactis densitas maleficæ conscientia corruptelæ: fit eccè ἀυτοπηκτός ille spontaneo seri divoratio simul ac in mactrâ lac coacuerit vel maturiore coagulo venenarit artificis gulæ impatientia; omni proindè cujuscumque coctionis errori aptissima qualiscumque sit γαλακτοφορία, et si Pytoclis exemplo marasmo tabescentibus interdùm permittenda ad ἀναρροφήν lacte plurimâ aquâ diluto, quæ solvat præsens coaguli venenum, nec inno-

cens illa Artrhitidi & Rheumatismo, ut ut saevos demulcens dolores, quot defuncti scyllâ in Charybdim naufragi! ingreditur blandè suavissimus hic liquor, at in novissimo mordebit integro nomine vitiositatis.

IV.

**I**n lactis natales inquirere, res otioso Naturæ contemplatore digna, detexisse eximia laus. Negotiosum verò Medicum attinet nosse quibus opportunum sit alimentum, benè sanus reputet quod ipso nutritri puerum edentulum providentis naturæ temporaria gratia sit; quæ indulgentia perfecta dentitione exolescit, secùs versâ in injuriam Ascaridibus ansam præbet dum per moras dulcedinis illicio nocente & ixu&λε& beneficio cadit, cōctioni per quam infesto acotè abdicitur naturalis officinæ vestibulo, regeriturque caseofum non nisi graviore damno retinendum; coit ubi duritiâ Pumicis in modum, vexat intestina torminibus, præfocat hypochondria, utilem prohibet annam commeatu, arctat clauditque animæ vias; si crudum purum putumque obtuleris, eò uberiore crassioris recrementi exagoga futura, quò cōctius: adeò brevi momento sua bona exuit aut perdit liquor iste, domestica vitia explicat, induit, retinetque pertinaciùs aliena: etiam de fonte haustus lactentium ora exulcerat, foedat aphtis, ulcusculis serpentibus manantibus genas arat, æruginosæ splendidaeque bilis proventu plurimo mordet impedita viscera, ad omnem expeditior injuriam contrariis quibus coit substantiis, sero, caseo, butyro; neque uno corruptionis genere, acore, nidore inimicatur, præsente obstruktionis noxâ febrentibus, catarrho, sputo sanguinis, cancerosis, cephalalgicis, calculosis affectibus interdicendus: mitioris lac mixtum indolis neque tamen nocendi suspicione vacat, quâ laborat naturæ suæ forte, nec dum melle, saccharo, sale, menthâ, vino, aromatis conditum emendatumque, cacochymis, μεγαλοσπλάγχνος, hepaticis, vertiginosis, comitialibus, impuræ veneris reis πᾶν δέπτω: neque de lactis delectu nimiùm sis sollicitior, communis undecunque pernicies, at seriùs ocyùs huic istive minor, indulgentior, obscurior valentibus, usurâ graviore præsentiore cæteris, sumimâ in solidum convalescentibus.

V.

**U**T pote quibus nec dum ex integro flamma deferbuit, sed pos-  
thuma vivit adhuc favilla sèpè relicta in rogum, dum supersti-  
tis hujus in putri humore fermenti neglectis ignariis alitur clancu-  
lum & foveatur: neque tum in vado res ægri pace sequestrâ satis vi-

dentur compositæ , cui aliàs morbi vi , naturæ nixu improbo , artis præsidiis sic exarmato , ægræ , pendentisque valetudinis vel ipsa imbecillitas jurè faciat controversiam , morbique jamjam reddituri hand inanem metum augeat pertinaci fastidio *άναργίων* gravis usus . Quid illi tandem fiet , si avido & exhausto illius alimenti indulgentior feceris copiam , quod pingui oleosâque sui portione adeò proclive est ut de facilî ignescat æstuantibus visceribus , sicque febriculoso ardore pristinum suscitaturum incendum : aut secùs vitæ focum pertinaci partis caseosæ lentore inimicissimo restinguat minuative , vel seroso humore sui impotens exundet : hinc adversa omnia meritò experiaris aut metuas injecto lacte , studio remeandi permolestum ventriculo infesto ructu acido , insolito vel nidorulento os spureatur , continui corruptæ , vel interceptæ annonæ labores , venturaque longo ordine pejùs faburrati ventris mala , diarrhæa præsertim quâ vitæ genius defraudatur , quod utl ne fieret aut in noxam cresceret satiùs fuerat providisse . Cave sis igitur ne præcipiti nimiùm *άναλιθων* studio pauperem in Convalescentibus vitæ foculum alimenti pinguoris , crassioris strue adobruas , modico , verùm assiduo & accurato pabulo factâ sensim utilis substantiæ accessione suscitandum : haud aliâ equidem arte excitaturus es luculentiores , quam si boni succi *ελιγύρωφα* , non idcirco pluris excrementi insimulanda , quæ nunquam concrescant , perfacile mutentur , subeant faciliùs , difficillimè corrumpantur , nihil gravent , Convalescentibus accepta sint , non ea , quæ recentem accersunt aut revocant novâ corruptelæ accessione ( in quam maximè prona cujuscunque lactis substantia ) occasionem recidivæ , quam ut avertas morbi *άντιοθη* , ipsorum naturæ ad obvia quæque cæspitantis impotentia satis admonet .

*Non ergò Lac Convalescentibus.*

Proponebat Parisiis HYACINTUS THEODORUS BARON ,  
Parisinus , Baccalaureus Medicus . A. R. S. H. 1710.

---

Typis Viduæ Francisci Muguet , Regis & Facult. Medicinæ Typographi.